

**VRHOVNI SUD
FEDERACIJE BOSNE I HERCEGOVINE
KOMISIJA ZA JAVNE NABAVKE
Broj:070-0-Su-23-000295
Sarajevo, 22.05.2023. godine**

Na osnovu člana 2. stav 1. tačka (l) podtačka 3., člana 68. stav 4. tačka (i), člana 70. stav 1. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 20. Pravilnika o javnim nabavka u Vrhovnom sudu Federacije BiH, a na preporuku Komisije za provođenje postupka javne nabavke robe – kompjuterske opreme za potrebe Vrhovnog suda Federacije BiH putem konkurentskog zahtjeva, predsjednica Vrhovnog suda Federacije BiH donosi:

ODLUKU

o poništenju postupka javne nabavke robe – kompjuterske opreme za potrebe Vrhovnog suda Federacije BiH.

Član 1

Prihvata se preporuka Komisije za javnu nabavku broj: 070-0-Su-23-000295 od 05.05.2023. godine i poništava se postupak javne nabavke robe – kompjuterske opreme za potrebe Vrhovnog suda Federacije BiH iz razloga što ponude ponuđača R&S d.o.o Sarajevo i ponuđača AM SUPPORT d.o.o. Sarajevo ne ispunjavaju zahtjeve iz tenderske dokumentacije, a u skladu sa članom 2. stav 1. tačka (l) podtačka 3. i člana 68. stav 4. tačka (i) Zakona o javnim nabavkama („Službeni glasnik BiH“ br. 39/14, 59/22).

Član 2.

Ova Odluka će se objaviti na web stranici Vrhovnog suda Federacije BiH, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Član 3.

Ova odluka stupa na snagu danom donošenja.

Obrazloženje

Komisija za javne nabavke Vrhovnog suda Federacije Bosne i Hercegovine, javno je otvorila ponude dana 14.04.2023. godine sa početkom u 11:00 sati u prostorijama Vrhovnog suda Federacije Bosne i Hercegovine, koje ponude su dostavljene u konkurentskom postupku za izbor ponuđača tehnički zadovoljavajuće ponude sa najnižom cijenom za nabavku kompjuterske opreme za potrebe Vrhovnog suda FBiH. Tenderska dokumentacija za predmetni postupak objavljena je na portalu Agencije za javne nabavke Bosne i Hercegovine dana 03.04.2022. godine, sa obavještenjem broj 751-7-1-32-3-3/23. Također, naznačeno obavještenje je objavljeno i u „Službenom glasniku BiH“ br. 24/23. od 07.04.2023. godine. Prilikom otvaranja ponuda pristiglih u postupku nabavke kompjuterske opreme, otvorene su ukupno 2 (dvije) pristigle ponude i to ponude ponuđača R&S d.o.o. Sarajevo i AM SUPPORT

d.o.o. Sarajevo. Zapisnik o otvaranju ponude blagovremeno je dostavljen navedenim ponuđačima.

Ponuđač R&S d.o.o. Sarajevo ponudio je isporuku robe kompjuterske opreme traženu tenderskom dokumentacijom po cijeni od 49.842,75 KM bez PDV-a, odnosno 58.316,02 KM sa PDV-om.

Ponuđač AM SUPPORT d.o.o. Sarajevo ponudio je isporuku robe kompjuterske opreme traženu tenderskom dokumentacijom po cijeni od 49.212,00 KM bez PDV-a, odnosno 57.578,04 KM sa PDV-om.

Komisija je na zatvorenim sjednicama dana 14.04., 18.04. i 20.04.2023. godine, izvršila evaluaciju pristiglih ponuda gore pomenutih ponuđača za nabavku roba – nabavku kompjuterske opreme za potrebe Vrhovnog suda Federacije BiH.

Prevažodno je utvrđeno da su zaprimljene kovertne ponuđača R&S d.o.o. Sarajevo i AM SUPPORT d.o.o. Sarajevo pravilno ispunjene sa naznakom ugovornog organa i adresom ugovornog organa, zatim da se radi o ponudi za nabavku kompjuterske opreme za potrebe Vrhovnog suda FBiH, sa naznačenim brojem nabavke, naznakom „ne otvaraj“ kao i podatkom da se ponuda sastoji od originala i kopije ponude. Nadalje, otvaranjem predmetnih koverti ponuđača R&S d.o.o. Sarajevo i AM SUPPORT d.o.o. Sarajevo utvrđeno je da su iste kompletne tj. sastavljene na jednom od službenih jezika u Bosni i Hercegovini, na latiničnom ili ćirilicnom pismu te su sve stranice pravilno numerisane brojevima i ovjerene pečatom firme tih ponuđača.

Nakon što je nadležna Komisija za javne nabavke ustanovila da je sva dostavljena dokumentacija ponuđača R&S d.o.o. Sarajevo i AM SUPPORT d.o.o. Sarajevo u skladu sa tenderskom dokumentacijom pristupilo se pregledu tehničkog dijela dokumentacije za svaku traženu stavku iz tenderske dokumentacije.

Prilikom pregleda tehničkog dijela dokumentacije, Komisija je konstatovala da su oba ponuđača tj. R&S d.o.o. Sarajevo i AM SUPPORT d.o.o. Sarajevo dostavili u potpunosti identičnu tehničku specifikaciju. Međutim, Komisija iz dostavljene tehničke specifikacije za pojedine komponente desktop personalnih računara nije mogla da ustanovi šta tačno ponuđači R&S d.o.o. Sarajevo i AM SUPPORT d.o.o. Sarajevo nude ugovornom organu, odnosno Vrhovnom sudu Federacije BiH. Ovo iz razloga što je na stranicama od 2 do 8 dostavljenih identičnih tehničkih dokumentacija/specifikacija za stavku 1. iz tendera, nabrojano više vrsta procesora, operativnog sistema Windows, grafičkih kartica, tastatura, miševa itd., ali bez da su na tehničkoj specifikaciji tačno naznačeni ili boldirani proizvodi tj, računarske komponente koje se nude u sklopu dostavljene ponude, a koja odgovara traženom iz tenderske dokumentacije. Kao primjer navedenog, razmotrene su obje ponude ponuđača R&S d.o.o. Sarajevo (na stranici 33 ponude) i AM SUPPORT d.o.o. Sarajevo (na stranici 50 ponude), u kojima je dostavljena tehnička specifikacija za pobrojanih 12 procesora. Na naznačenim stranicama su kao što je prethodno izneseno, pobrojano 12 procesora sa njihovim specifikacijama, ali bez da je na neki specifičan način naznačeno/boldirano koji od nabrojanih 12 procesora će biti ugrađen u desktop računar koji je tražen tenderskom dokumentacijom. Ovo posebno iz razloga što pojedini pobrojani procesori ne ispunjavaju uslove iz tenderske dokumentacije u pogledu broja jezgri procesora ili same tražene brzine procesora.

Stoga, obzirom na način kako joj je u sklopu ponude dostavljena tehnička dokumentacija/specifikacija, uopšte se nije moglo odrediti šta je to od komponenata ponuđeno Vrhovnom sudu Federacije BiH kao ugovornom organu. Navedeni primjer se odnosi i na druge komponente kao što su npr. operativni sistem Windows, tražena grafička kartica itd.

Suprotno od prethodno iznesenog, a kao primjer dobrog i pravilnog postupanja ponuđača R&S d.o.o. Sarajevo i AM SUPPORT d.o.o. Sarajevo Komisija je sagledala njihove ponude u dijelu koja se odnosi na pregled tehničkog dijela dokumentacije za stavku monitor ili stavku kućište iz tenderske dokumentacije.

Tako je za monitor u obje ponude dostavljen poseban tehnički list (identičan za obje ponude) iz kojeg se na jednostavan i pravilan način može utvrditi koji to monitor nude ponuđači R&S d.o.o. Sarajevo i AM SUPPORT d.o.o. Sarajevo, odnosno da nude monitore koji ispunjavaju tražene tehničke uslove iz tenderske dokumentacije tj. da je ekran minimalno 21.5", omjer 16:9 FHD WLED Backlight (1920x1080), odziv max 6ms (4ms Extreme), 1.000:1, ugao gledanja 178°/178°, 250cd/m2, konekcija 1x VGA, 1x HDMI.

Isto se odnosi i na ponuđeno Kućište Lenovo, ponuđača R&S d.o.o. Sarajevo (na stranici 32 ponude) i ponuđača AM SUPPORT d.o.o. Sarajevo (na stranici 49 ponude), gdje se iz detaljne tehničke dokumentacije (koja je i slikovito prikazana) mogu od strane Komisije lako utvrditi karakteristike ponuđenog kućišta, koje odgovara zahtjevima iz tenderske dokumentacije.

Obzirom na sve prethodno izneseno, ugovorni organ je stava da ponuda ponuđača R&S d.o.o. Sarajevo i AM SUPPORT d.o.o. Sarajevo, koja se odnosi na nabavku kompjuterske opreme za potrebe Vrhovnog suda Federacije BiH u pogledu stavke 1. koja se odnosi na nabavku desktop personalnog računara sa monitorom, tastatura i miša ukupne količine po 18 komada ne ispunjava uslove propisane tenderskom dokumentacijom tj. karakteristikama/specifikacijama koji su detaljno navedeni u prilogu obrasca za cijenu ponude kompjuterske opreme – obrazac prilog II koji čini sastavni dio tenderske dokumentacije.

Dakle, očigledno je da ponuđači R&S d.o.o. Sarajevo i AM SUPPORT d.o.o. Sarajevo nisu u potpunosti postupili u skladu sa traženim iz tenderske dokumentacije, tačnije u dostavljenoj tehničkoj dokumentaciji/specifikaciji nisu ni na kakav način označene pojedinačne komponente desktop računara koje se nude ugovornom organu tj. Vrhovnom sudu Federacije BiH.

Nadalje, u pogledu drugih traženih stavki, utvrdenisu su određeni nedostaci i u pogledu drugih stavki kod ponuđača R&S d.o.o. Sarajevo i ponuđača AM SUPPORT d.o.o. Sarajevo. Tako npr. u pogledu stavke 2. koja se odnosi na ponudu printera Lexmark ukupne količine 10 komada, Komisija ugovornog organa nije mogla pronaći pojedine parametre tj. tehničke specifikacije koji su zadati kao uslov u tenderskoj dokumentaciji. To se npr. odnosi na: 1. tehnologiju printanja, 2. traženu brzinu obostranog printanja, 3. rezoluciju printanja itd. koje stavke se ne nalaze u dostaljenoj tehničkoj dokumentaciji.

Pored navedenog za stavku 4. tenderske dokumentacije koja se odnosi na 48 portni switch – rack mounted, Komisija je istog mišljenja kao i za stavku 1. dostavljene tehničke specifikacije, odnosno nije se moglo utvrditi koji od prikazanih uređaja u ponudi ponuđač R&S d.o.o. Sarajevo i ponuđač AM SUPPORT d.o.o. Sarajevo nude ugovornom organu, odnosno Vrhovnom sudu Federacije BiH.

Obzirom na sve prethodno navedeno, utvrđeno je da su ponude ponuđača R&S d.o.o. Sarajevo i ponuđača AM SUPPORT d.o.o. Sarajevo nepravilne u skladu s članom 2. stav 1. tačka (1) podtačka 3. Zakona o javnim nabavkama BiH, te iste ne ispunjavaju zahtjeve iz tenderske dokumentacije, tj. karakteristikama/specifikacijama koji su detaljno navedeni u prilogu obrasca za cijenu ponude – prilog II koji čini sastavni dio tenderske dokumentacije. Dakle, očigledno je da ponuđači R&S d.o.o. Sarajevo i AM SUPPORT d.o.o. Sarajevo nisu u potpunosti postupili u skladu sa traženim iz tenderske dokumentacije.

Na osnovu utvrđenog činjeničnog stanja, te na osnovu odredbi člana člana 68. stav 4. tačka (i), člana 70. stav (1) Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 20. Pravilnika o javnim nabavka u Vrhovnom sudu Federacije BiH, Komisija za provođenje postupka javne nabavke dala je preporuku predsjednici Vrhovnog suda Federacije BiH da u predmetnom postupku javne nabavke robe – kompjuterske opreme, donese odluku o poništenju postupka nabavke.

Iz gore navedenih razloga, primjenom člana 68. stav 4. tačka (i), člana 69. stav 1. tačka (b), („Službeni glasnik BiH“ br. 39/14, 59/22) prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.


Predsjednica
Vrhovnog suda FBiH

Vesna Stanković Čosović

Dostaviti:

1. R&S d.o.o Sarajevo, Igmanska b.b., 71320 Vogošća.
2. AM SUPPORT d.o.o. Sarajevo, Aleja Bosne Srebrene 14.
2. u dosije javnih nabavki.
3. web stranica Vrhovnog suda Federacije BiH.
4. a/a.